

SCRIPT OF EVENING GOJRI NEWS BULLETIN 8MAY 2025 1700HRS

اونینگ گو جری نیوز بلیٹن مو رخہ 8 مئی 2025

یوہ آکا شوانی جموں بے ظفر کوبلی تے نصرت تیں خبر سنو۔

HEADLINES

- ۱۔ بھارت تے پاکستانی فوج غی شمالی تے مغربی بھارت ور حملہ کرن غی کوشش نانہ ناکام بنا دتو ہے۔
- ۲۔ اکھنور سیکٹر مانہ پاکستانی فوج کی گولہ بھاری غو بھارتی فوج نے منہ توڑ جواب دتو تے لوکان نانہ محفوظ جگہاں ور منتقل کیو۔
- ۳۔ جل شکتی گا وزیر جاوید احمد رانا نی جی ایم سی اسپتال غو دورو کیو تے پونچھ ضلع مانہ قبضہ لکیر ور گولہ باری تیں زخمی ہون آلا افراد غی خیریت دریافت کی۔
- ۴۔ شدید بارش غی وجہ تیں جموں سرینگر قومی شاہراہ بند تے رام بن مانہ مٹی غا تودا گرن تیں آمدرفت بند کردتی گئی ہے۔

PAK ESCALATION

جمعات نانہ حکام نے دسیو ہے جے بھارتی مسلح افواج نے گزشتہ رات درون تے میزائل غا استعمال کرتا واں شمالی تے مغربی بھارت مانہ متعدد فوجی اہداف نانہ نشانو بنان غی پاکستانی فوج غی کوشش نانہ ناکام بنا دتو ہے تے لاہور مانہ پاکستانی فضائیہ دفاعی نظام نانہ تباہ کردتو پاکستانی فوج نے اونتی پورا سرینگر جموں پٹھانکوٹ امرتسر کاپر تھلا جلندر لدیانہ ادم پور بٹھنڈا چندی گڑھ، نال، پلودی اتر لئی تے بوجھ نانہ نشانو بنان غی کوشش کی جس نانہ انٹی گریڈڈ کونٹر یو اے ایس تے دفاعی فضائیہ نے ناکام بنادتو اس گل غی جانکاری وزارت دفاع نے دتی ہے تباہ شدہ ملہ نانہ مختلف مقامات توں جموں کیو گیو ہے جہیرو دسے جے پاکستان نے بھارت ور حملو کیو ہے اج سویرے بھارتی مسلح افواج نے پاکستان مانہ متعدد مقامات ور دفاعی فضائیہ ریڈار تے نظام نانہ نشانو بنایو وزارت دفاع نے دسیو ہے جے بھارتی رد عمل وی اسے شدت غے سنگ پاکستان غی طرح رہیو ہے۔ پتو چلیو ہے جے لاہور مانہ فضائیہ غا دفاعی نظام نانہ ناکارہ کردتو ہے۔

LOC FIRING

جموں کشمیر مانہ گزشتہ رات پاکستانی فوج نے قبضہ لکیر ور چار علاقان مانہ گولہ باری کی جس گو بھارتی فوج نے منہ توڑ جواب دتو گزشتہ روز جد پاکستانی فوج نے بھارت غا اپریشن سندھور غے تحت میڈیل حملان تین بعد شدید گولہ باری کی تھی اج اُس غامقابلہ مانہ گولہ باری کہٹ تھی تے یوہ صرف ۶ علاقان توڑی محدود رہیوجن مانہ اکھنور کپواڑہ بارہمولہ تے اڑی سیکٹر شامل ہیں۔

RANA GMC VISIT

جل شکتی غا وزیر جاوید احمد رانا نے اج گورنمنٹ طبی کالج جموں غو دورو کیو تانجے پونچھ ضلع غا قبضہ لکیر ور حالیہ گولہ باری مانہ زخمی ہون آلا گی خیریت بارے پوچھ تاجھ کی جاسکے اپنا دورہ غے دوران انہاں نے مریضان تے اُن غا اہل خانہ سنگ بات چیت کی

تے اُنہاں نانہہ حکومت غی طرفوں ہر ممکن مدد فراہم کرن بارے یقین دہانی کرآی۔ وزیر نے ہسپتال مانہہ ہنگامی انتظامات ور اطمینان گو اظہار کیو تے فوری رد عمل ور طبی عملہ غی تعریف کی جناب جاوید نے جی ایم سی جموں غا پرنسپل نانہہ ہدایت کی جے وے زخمیاں نانہہ بہترین طبی علاج غی فراہمی نانہہ یقینی بناویں اُنہاں نے زخمیاں غی جلد صحت یابی واسطے وی دعا کی اس سلسلہ مانہہ بولتا واں وزیر موصوف نے کُج اس طرح کہیو۔

CIVILIANS CREMATED

پونچھ ضلع مانہہ قبضہ لکیر ور بلا اشتعال پاکستانی گولہ باری مانہہ کئی بے گناہ شہری ماریا گیا ہیں ان غی موت توں مقامی آبادی مانہہ برو غم تے غصو دیکھیو گیو بے مرن آلا غی لاشاں نانہہ اج پونچھ مانہہ آخری رسومات ادا کرن واسطے جنازے مانہہ ہزاراں افراد نے شرکت کی سوگواراں نے اپنی انکھاں مانہہ آتھرو لے غے پاکستان غے خلاف جنگ بندی غی خلاف ورزی ور کاروائی غو مطالبو کیو تے معصوم شہریاں غا قتل غی مزمت کی۔ پونچھ غا لوکاں نے ان حملان غے پیچھے سوال چایا تے متاثرین واسطے انصاف غو مطالبو کیو۔ اس سلسلہ مانہہ بولتا واں اُنہاں نے اس طرح کہیو۔

IIT MOCK DRILL

آپریشن سندھور تیں بعد جموں گا سرحدی علاقہ مانہہ پآی الرٹ جاری کیو گیو بے اس غے تحت اج ریاستی آفات تیں نمژن آلی فورس نے آئی آئی ٹی جموں جگٹی نگروٹہ مانہہ ایک حفاظتی مشق کی۔ اس موقع ور ایس ڈی آر ایف تے بوم کاڈ غا ڈی آئی جی محمد ارزاد آئی آئی ٹی غا ڈی آئی ریکٹر منوج سنگھ گور تے آئی آئی ٹی غا طلبہ موجود تھا مشق غے دوران سارا نانہہ دسیو گیو کہ اگر کوئی حادثو پیش آے تاں گھبرانو نہیں بے تے کسی طرح خود کی تے دوجاں غی مدد کرنی بے۔ ذراغ ابلاغ نال گل کرتا واں اسی ڈی آر ایف غا ڈی آئی جی محمد ارشاد نے اس طرح کہیو۔

HIGHWAY CLOSED

جموں سرینگر قومی شاہراہ ۴۴ ور چھمبا شیری رام بن مانہہ شدید بارش تیں مٹی گا تودا گرں تیں دوآے پاسے گڈیاں غی آمدرفت روک دی گئی بے مسافراں نانہہ مشورو دتو گیو بے کہ موسم بہتر ہون توڑی رستی ور سفر کرن تیں گریز کریں حکام نے مسافراں نانہہ کہیو ٹریفک پولیس گا ٹوٹر بینڈل تے فیس بُک پیج ور سڑک غی حالت غا بارا مانہہ معلومات حاصل کریں تے سڑک صاف ہون توڑی رستی ور سفر نہ کریں باقی معلومات واسطے تم رام بن ٹریفک ہیلپ لائن نمبر ور وی رابطو کرسکیں نمبر اس طرح ہیں 9419993745 تے 18001807043 اس سلسلہ مانہہ گل کرتا واں ایس ایس پی ٹریفک رام بن راجا آدل حمید نے اس طرح کہیو۔

RED CROSS

عالمی ریڈ کراس تہاڑا غا موقع ور ضلع انتظامیہ دوڈہ نے صحت ادارہ غے نال مل غے گورنمنٹ طبی کالج دوڈہ گا اسپتال مانہہ خون غا عطیہ غو کیمپ گو انعقاد کیو اس کیمپ مانہہ ۰۷ تیں زیادہ رضاکاراں نے پُر جوش انداز تیں حصولیو جن مانہہ جی ایم سی دوڈہ غا طلبہ

تے ڈاکٹر شامل تھا، جنہاں نے انسانی زندگی بچان واسطے خون غو عطیو گیو ضلع ترقیاتی
کمشنر ڈوڈہ ہرویندر سنگھ نے کیمپ گو افتتاح کیو تے خون دین آلا لوکاں
تے کیمپ انعقاد کرن آلاں غی محنت تے کوششاں نانہ سہرايو۔ اس سلسلہ مانہ گل کرتا واں
انہاں نے مزید اس طرح کہیو۔

CATCH THE RAIN

ریاسی غا ضلع انتظامیہ نے کیچ دا رین یعنی بارش نانہ پگرو مہم نانہ کامیابی سنگ مکمل
کیو جھیڑی جے آنالا مونسون غا موسم غی توقع مانہ شروع کی گئی ایک فعال پانی غا تحفظ
غی پہل بے ملک گھر جل شکتی ابھیان غا ایک حصہ گا طور ور اس مہم مانہ سرکاری
محکماں بلدیاتی اداراں تے برادری گا اراکین غی پر جوش شرکت دیکھی گئی مہم غے تحت
ضلع بھر مانہ روایتی ابی ذخا ر تالاباں تے بارز گا پانی غا ذخیرہ کرن آلا ڈھانچاں غی وسیع
پیمانہ ور صفائی تے ازسر نو تعمیر کی گئی۔ اس قدم توں ضلع غا پانی ذخیرہ کرن غی صلاحیت
مانہ نمایاں اضافو ہوو بے تے زمینی پانی غا جمع کرن غی صلاحیت مانہ وی بہتری آئی بے
اس سلسلہ مانہ بولتا واں محکمہ جنگلات غا افسر اروند کمار نے اس طرح کہیو۔
